

靈寶无量度人上品妙經卷之四十九 完

消除病癘跛病品

道言昔於太安天中遙響風歌太和樂土受元始度人消除病癘跛病无量妙品元始天尊當說是經周迴十過以召十方始當詣座

天醫大神上聖高尊普濟真人通治童子无鞅數衆乘空而來飛光積霄彤輪華蓋花雲覆蔭明霞舞輝天錦交漫洞映太空五日五夜諸天幽寶嵌巖普皆大明星璣月館晝夜停輪神風倚煙靈香拂雲天无飄翳六虛洞

清一國地土山川林木砥平齊等无復高下土皆紺碧无有異色衆真侍座无始天尊玄坐空浮五色晶明寶座之上說經一編諸天大聖同時稱善是時一國男女身報為病漸獲開爽說經二編聾者耳聰盲者目明暗者

能言說經三編枯羸沈瘵充澤豐平說經四編積速注傳不及于門說經五編跛病萎墮皆能起行說經六編鬼癘消除正氣流通說經七編老者反壯少者皆強說經八編軀體病除法身怡悅說經九編消除病癘跛病輕

安悟病皆妄本非真有返照回光则无痛楚起滅悉從假幻既識道本病從何來說經十編面流紫華身有玉明魔疾普消神氣合道是時一國是男是女莫不傾心皆受護度咸得長生

道言是時元始天尊說經一編東方无極无量品候氣大神无鞅之衆浮空而至說經二編南方无極无量品持運大神无鞅之衆浮空而至說經三編西方无極无量品司年大神无鞅之衆浮空而至說經四編北方无極

无量品定命大神无鞅之衆浮空而至說經五編東北无極无量品鬼主大神无鞅之衆浮空而至說經六編東南无極无量品行病大神无鞅之衆浮空而至說經七編西南无極无量品却癘大神无鞅之衆浮空而至說

經八編西北无極无量品八風大神无鞅之衆浮空而至說經九編上方无極无量品天醫大神无鞅之衆浮空而至說經十編下方无極无量品除病大神无鞅之衆浮空而至十編周竟十方无極天醫普濟大神一時同

至一國男女傾心歸仰謂言我等元以福報得生天上非如人間父母精血濁穢之形復有河病是故思惟神氣雖明化生融結而我想習深尚羸身中妄生疾病痛苦未除譬如世人夢中飲食寒温起居一如平時夢中

之身與今處世父母所生實无有異乃至夢身中疾病痛痒悲歡亦復同状无有殊別故今身中猶當有此病癘跛病當詣天尊以求除瘥咸各恭敬願禮道前來者有如細雨密霧无鞅之衆连國一半土皆偏陷非可禁止

於是元始知如是等衆獲果天人猶有病癘跛病等相何況世間胎化濕感七十二類无量衆生寧免斯苦我以慈悲說是妙經消除衆患衆患欲除无法無法藥之妙莫越神丹即運紫光明如寶焰聚五輪手法自九色

離羅萬寶星雲玉錦之帔内出神九化成寶珠大如黍米在空玄之中去地五丈元始登引天醫大神上聖高尊普濟真人十方无極除病大神无鞅數衆俱入寶珠之中天人仰看惟見勃勃從珠口中入既入珠口不知所

在國人靡散地還平正无復歌陷元始即於寶珠之內說經都竟衆真監度以授於我當此之時喜慶難言法事粗悉諸天復位修欵之間寂无遺響是時天人過值經法普得濟度全其本年无有中傷傾土歸仰成行善心不疑不妄不淫不貪不欲不喜不怒不暗不邪不狂言務忠信口无疾聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是真王內諱消除病癘起行跛病百靈救疾攝邪之隱名也非世之常辭上聖已成真人出離五種病癘廣大法身純陽光明能隱能顯則普現十方隱則聖真莫測世病法病並已消殞通玄究微能悉其章誦之十過諸天遙唱萬帝設禮內境澄瑩我山靡平病癘瘥復跛痺全寧身嶽不傾日月同明群魔東形鬼精滅爽回生起痼朽質成人至學之士誦之十過則五歲生華騰腦堅真百神守體癘鬼畏晴濟度垂死絕而

得生所以爾者學士穢氣未消體未洞真以制十方威未制天政德可漸杜世患魁汰沈苦而已不能更生輕誦此章身則被殃供養尊禮病癘消除緩跛健行世世昌熾與善因緣萬災不干神明護門斯經尊妙獨步玉京

度人无量為萬道之宗巍巍大範德難可勝道言凡誦是經十過諸天齊到病癘衆生痛苦消除跛病久疾舉用完健邪氣无干百脉受靈一身萬神永不去身身无疾疾自然長生億曾萬祖幽冤苦爽皆即受度上昇朱宮格皆九年受化更生得為貴人而好學至經功滿德就皆得神仙飛昇金闕遊宴玉京也以經法神護消除病癘跛病澤惠兆民生類安逸疾痛莫干上帝遐觀報兆真名上學之士修誦是經道備群倫病災拂除癘邪不興跛癘登舉宿病更羈皆即受度上昇朱宮世人受誦因病自安痲穢津落靈秀通玄則延壽長年後皆得作尸解之道魂神暫滅不經地獄即得返形遊行太空此經微妙普度无窮一切天人莫不受慶无量之福生死蒙惠

上天所寶不傳下世至士齋金寶效心盟天而傳輕泄漏慢狹及九祖長役三官侍經五帝玉童玉女各二十四人管衛神文保護受經者身

道言正月長齋誦詠是經消除痼病積歲纏綿世藥不治鬼神異氣違為癘病工所不曉或智或癡或生或死傳習先代冢注為殃鬼氣崇物相呼附着為上世亡鬼斷地逮役度上南宮七月長齋誦詠是經消除金旺剋木筋落受邪或因土木或因葬定刑害之氣注及肢體手足不理跛懸不行沈冥宿病上關天律考在斗官訟連陰府者使各完固不有傷絕身得神仙諸天書名黃籙白簡削死上生十月長齋誦詠是經徧為生民消除病癘風傷勞疾痼瘕瘡瘻寒熱伏留泉魁腫汗水注攻逆種種怪病普使和指致國王帝主君臣父子安鎮國祚保天長存世世不絕常為人君安鎮其方民稱太平八節之日誦詠是經消解八風邪氣毒病得為九宮真人本命之日誦詠是經萬疾消蕩鬼癘无侵鬼神澄

正萬氣長存不經苦惱身有光明三界侍衛
五帝司迎萬神朝禮名書上天功滿德就飛
片上清

道言行道之日皆當香湯沐浴齋戒入室
東向叩齒三十二通上聞三十二天心拜

三十二過閉目靜思身坐綠紫青三色雲
氣之中內外箝冥有青龍白虎朱雀玄武

獅子白鶴羅列左右日月照明洞煥室內

天醫尚意砂石小吏咸在前後項生圓象

光映十方如此分明密呪曰

无上玄元太上道君召出臣身中三五功曹

左右官使者侍香玉童傳言玉女五帝直符

直日香官各三十六人闕啓所言今日吉慶

長齋清室修行至經无量度人願所啓上徹

徑御

无上三十二天元始上帝至尊九前

引系三十二過東向誦經

元始无量度人上品妙經

元始洞玄靈寶本章消除病癘跛疔安化度

人百魔隱韻離合自然道為法身太虛生神

神寂无形无无上真元始祖劫化生諸天天

降地騰陰陽生人人為胎種病癘因緣考謫

跛疔積遠因連採食三景命固天根病癘既

蕩神氣為鄰玄悟成仙舉意飛神上无復祖

惟道為身五文闕廓普植神靈无文不光无

文不明无文不立无文不成无文不度无文

不生是為大梵天中之天鬱羅蕭臺玉山上

京上極无上大羅玉清九品仙聖為自然人

身病法病普得安寧未證大乘病癘所繫鍊

身為氣鍊氣為神神合太无若亡若存三華

離便大有妙庭金闕玉房森羅淨宏大道

氣周回十方中有度人病癘跛疔之神中有

南極長生大帝君中有度世司馬大神中有

好生韓君丈人中有南上司命司錄延壽益

算度厄尊神回骸起死无量度人今日校錄

諸天臨軒

東方无極消除病厄神王長生大聖无量度人

南方无極消除邪癘神王長生大聖无量度人

西方无極消除偏跛神王長生大聖无量度人

北方无極消除纏疔神王長生大聖无量度人

東北无極消除世疾神王長生大聖无量度人

東南无極消除注氣神王長生大聖无量度人

西南无極消除考療神王長生大聖无量度人

西北无極消除宿報神王長生大聖无量度人

上方无極消除見病神王長生大聖无量度人

下方无極消除意病神王長生大聖无量度人

十方无極消除病癘跛疔神王長生度世无

量大神並乘奔雲迅電赤鳳科車營從天仙

靈官將吏侍直神司駢駕大獸天鹿夔龍絳

節瑤旌瓊干翠羽前嘯吳嘯同嘯後吹筠篥

同鳴吟僊飛籟嘯歌嘯囉天丁啓途青鬃翼

轅億乘萬騎浮空而來傾光回駕除疔度生

諸天丞相南昌上官韓司主錄監生大神執

籙把籙齊到帝前隨所應度嚴校諸天普告

三界无極神鄉泉曲之府北都羅鄴三官九

府十二河源上解尸注冢訟積遠世傳病瘡

鬼癘故氣跛癘宿業纏疔及以祖考億劫種

親疾除罪薄落滅惡根不得拘留逼合鬼群
元始符命時刻升遷北都寒池部衛形鬼制
魔保舉度品南宮死竟受鍊仙化成人生身
受度劫劫長存隨劫輪轉與天齊年永度三
災九厄八難超凌三界道遇上清上清之天
天帝洞淵无色之境梵行

東方八天

太安順陽天 帝景闡玄仁
至无化神天 帝玉都求輪
靜華初元天 帝樂真輔仙
覺昭情微天 帝廣穹良奔
序止陰夷天 帝部圭士畦
落具澄炎天 帝斗布紫昆
賁亭瀘河天 帝除患慈英
浪絕妙圓天 帝曉因秘巫
南方八天
礪城實真天 帝仇卑振篁
寥居信靈天 帝文霞總祥
辨宗虛攸天 帝極真途
騫揚寶區天 帝輔觀盈璅

西方八天

香泮赤和天 帝慶丁匪邦
亮部求玄天 帝古定梵康
主延无童天 帝空基民宣
仙房校籍天 帝閻都賢昌
考勝逕靈天 帝嶽傳至文
咸興遞迎天 帝關巴罔歌
鬱珠達想天 帝召冥履元
屏栖烈廣天 帝度命微冲
璐真確濟天 帝眇仙儔
輪預逆游天 帝智侈龍
液度司夕天 帝被曦光旋
綠史洞綿天 帝道嚴阮通
北方八天
泝達紫垣天 帝治冥信方
曠倚遵宜天 帝端究精膺
洞慈慶周天 帝雲進瓊回
頌咸褒聖天 帝衷丘繫璫
太始至念天 帝稟卿徐韋
光梵九名天 帝寔幾鄰

應象徐盈天 帝蒙符靜康

畢堂六輪天 帝演巴就剛

三十二天三十二帝諸天隱諱諸天隱名天
中空洞除病靈章諸天隱諱天中靈音天醫
之尊天藥靈神主病靈魔生神之靈九變七
轉飛昇太清无量之奧深不可詳起癘回年
普度天人今日欣慶受度歷關諸天請滅跋
疴斬絕注根飛度六尸命延太玄司命檢錄
氣隆天門東斗斷傳西斗殺盡北斗縛鬼南
斗療疴中斗大魁五臟之精消除病癘總監
眾靈青帝護寬白帝侍魄赤帝養氣黑帝通
血黃帝操藥扶廢續絕中主太和萬神无越
青方魔王溫癘春行赤方魔王陽毒發煙白
方魔王偏廢委跋黑方魔王沈疴歷溼黃方
魔王腫痞狐缺五方大魔王行病元凶隨運出
入與時迎逢初下崐嶠攜駕毒龍統領惡鬼
遊觀域中屠官生民誅惡不容上官符告收
攝姦扶真王降世珍誠映祥神池紫雲天馬
玉鞭電獸吐火巨龜出黃五首仗擔走馬飛
光玄蟒千丈鬼車百箱朱旗橫天雷奔雨磅

敢有干試誅斬為富玄鉞前戮赤刃後刑消
除病厲人道安寧風火交發跨斗乘星魔无
干犯鬼无杖精三官北鄴明檢鬼營不得容
隱金馬驛呈普告无窮萬神咸聽三界五帝
列言上清

洞皇玉極龍漢延康眇眇曠寂混沌環剛上
无見色下无見淵風空運虛金精凝天天上
天下无幽无冥无形无影无極无窮溟滓大
梵寥廓无光赤明開圖運度自然元始安鎮
敗落五篇赤書玉字八威龍文保制劫運使
天長存下比人身大小混淪六腑九臟自然
赤文風空天淵九一變分合道無病跛病不
生鬼癘除滅長生神仙絡膜谿谷梵氣彌羅
玄府骨竅萬範開張脉如元網蟠結流行輪
轉一體周回九門二十四真總神三關中為
天樞前為廣明列布宮室後為至陰陰抱陽
交總氣上元八景冥合氣入玄玄玄中太皇
上帝高真泛景太霄吟詠玉章金真啓元流
響雲管玉音攝氣靈風聚煙紫虛鬱秀輔翼
萬仙千和萬合自然成真穢結解散病厲不

行跛步輕奔壞病滂瀆和合育真真中有神
長生大君无英公子洞陽之靈白元尊神靜
湛而明太一守房司命振鈴桃康攝邪合延
運精執符把錄保濟生根飛升上清遊宴瓊
宮碧羅之內混黃之中上騰下降玄華泥丸

植立萬毛集鍊百神絳闕龍泉統御要津尸
注速滅宿癥摧消總理五氣混合八瓊十轉
回靈易骨變形六周甲子萬氣齊仙仙道貴
生无量度人上開八門飛天法輪罪福禁戒
宿命因緣普受開度死魂生身身得受生上
聞諸天諸天之上各有生門中有空洞謠歌
之章真玉靈篇辭參高真

第一 天醫大神拂魔除病飛空之音
熒熒五色 維此神丸 為世凡夫
百病孔艱 寬憤幽憂 日殞殊顏
繼緣著境 神志不安 寒比冰烈
熱極火然 命等風燈 沈冥永歎
我施大慈 悟爾癘殘 絳宮既平
照映億千 虛明无礙 徹地通天
玉帝偉觀 群仙列言 度爾證仙公

萬氣常調完 病從緣業生 魂逝役鬼官
徒令爾親徒 悲苦毒辛酸 不知道无形
輪轉生死間 見道守虛无 飛神玉京山
爾時上智慧 邪試當无干

第二 普濟真人勅誡鬼癘之章
夔龍蒼甲 十丈鋼鬚 日食萬鬼
邪厲无餘 瘟毒喪睛 幽奕急驅
召集都天 神吏斬誅 按籍考進
九獄崎嶇 爾何老氣 假形妄謀
入人血脉 塞彼神虛 使氣不行
尸鬼為徒 夢想所通 意感陰靈
變其形服 千亂黃房 爾不自悟
坐與物矜 名書北鄴 報對无停
何不栖山林 思真道自成 吾行紫煙中
故苦居黃庭

第三 長生大聖振拔跛病歌曰
千尋碧山 萬旗飛火 虎丘控弦
河侯鼓拖 大神騁雲 星流雷過
俯視何人 起而復墮 邪注骨萎
筋癭家禍 敗風廢手足 賊鬼成曳羸

不知宿業因 真心泪流塵 貪嗔信癡緣
殺命祭鬼神 死入玄沙牢 億載豈得伸
爾當悟道奧 妙女生爾神 自然无死生
永為上清人 道進學无為 至陽續窮薪
此三界之上飛空之中真玉歌音參洞章
誦之百遍疾病永消誦之千遍緣習亦除萬
徧道成普度一切飛昇太空超出三界位登
仙公有聞靈音萬魔束形勅制地祇侍衛送
迎拔出地戶五苦八難七祖昇遷永離鬼官
魂度未陵受鍊更生是謂无量普度无窮有
秘上天文諸天共崇泄慢墮地獄禍及七
祖翁
道言此二章蓋是諸天上帝及至靈仙真除
病痛起跛病明本真元先天不動无有變遷
疾病之報皆由業緣展轉結習氣從而化故
有呻吟痛楚如是等類鍊神洞虛億劫長久
不入流轉體證真人无有生死隱秘之音皆
是大梵之言非世上常辭言无韻麗曲无華
宛故謂玄奧難可尋詳上天所寶秘於神霄
真王上宮依元劫三萬八千年應運下傳若

有至人齋金寶質心依舊格告盟三天然後
而付焉
道言夫天地病癘則為震擗陷拆水旱風雹
運度否終日月五星病癘則為陵犯薄蝕虧
盈至聖神人雖捨病緣无世跛患亦有休否
隱顯隨運興衰末學之夫亦有疾傷凡有此
災同氣皆當齊心修齋六時行香十徧轉經
福德立降消諸不祥无量之文普度无窮
道言夫末學道淺或仙品未充病癘所縈跛
履痲痺使真念返悔謂道無靈同學至人為
其行香誦經十過以度病癘如法則神氣流
行上下升降真性開悟疾恙消解隨其學功
計日而得生理壽齡延永便得神仙
道言夫天地運終星宿錯度日月失昏四時
失度陰陽不調國境有災疾癘四起疫毒流
行兆民死傷師友誤履淹衝致身疾病皆當
修齋行香誦經夫齋戒誦經功德甚重上消
天災保安邦國下禳毒害以度兆民生死受
賴其福難勝故曰無量普度天人
道言凡有是經能為天地一切兆民行是功

德有災之日發心修齋燒香誦經十過疾病
跛痲並皆消滅諸天記名萬神侍衛右別至
人尅得為聖君金闕之臣諸天記人功過毫
分無失天中魔王亦保舉爾身得道者乃當
洞明至言也
諸天中大梵隱語無量音 道君撰
元始消除病癘跛痲靈書中篇
東方八天
聖應魁闡 曠嘉慶緣 吳赴微露
肅格中乾 教益彖遷 亦太真邈
逸珉匪類 奏通寶卓 意靈氣玄
道忱免宣 揚裔備法 濟生度孱
輔天響靈 廓瀉企延 鑿齋洞寂
壽斬訥漠
南方八天
神飈散霞 梵極倬幽 無汚道夷
流淵離疇 猛牲投端 轉奉菟泉
冀瀛策思 誠靜慶玄 九露叱落
真祠精消 含熙傳青 比生麗班
鳩牙公都 樞機總南 錠丹皎酢

滋養毛鷄

西方八天

北關玉侍

勾旗慈蓋

黃髮纏奎

鬼井搖箕

鬱壘滌澤

首莫那羅

合神仙度

無阿流刀

桓尤僂怛

嶽皇俄由

罔微太匹

烏取爭蚪

車盈茶宛

泚造岐釋

開韓斗師

救局魂堂

北方八天

魚曲玄梭

女瑣蚊斗

栢麻初幾

正朕室酉

暮河酈虛

紇陋根漆

坤纓脾籍

呀轉丹候

月神華玦

條飛察周

燕泊芒肫

狸延僂畫

覺晦並彌

混權空咄

古恭定長

阿為上仙

道言此諸天中大梵隱語無量之音舊文以
瓊華朱光之毫書太極玄定天中紫館吐靡
之上以氣下臨纏宿星尾之分救諸病滿跋
病報償惡業解除紫纏詛訟寬負之氣使知
德自施疾癘消滅風迹龍紀之書字皆廣長

一文東華上相青童道君昔書其文以為正
音有知其音能齋而誦之者諸天皆遣飛霄
騎吏下觀其身書其功勤上奏諸天萬神朝
禮地祇侍門大勳天樞保舉上仙道備剋得
遊行三界升入金門

此音無所不辟無所不穰無所不度無所不
成天真自然之音也故誦之致飛霄下觀上
帝遙唱萬神朝禮三界侍軒羣秩束首鬼精
自七琳琅振響十方肅清河海靜默山嶽吞
煙萬靈振伏招集羣仙天無氛穢地無杖塵
冥慧洞清大量玄玄也

元始无量度人上品妙經卷之四十九

靈寶无量度人上品妙經卷之五十 字十

蠲化水火災癘品

道言昔於紫元寶皇天中空洞玉音大升明
土受元始度人蠲化水火災癘妙品元始天
尊當說是經周迴十過以召十方始當詣座
天真大神上聖高尊妙行真人無鞅數衆乘
空而來瑞靄積霄靈煙揚彩瑤輪瓊華蓋
無塵萬景凝光百千寶色洞煥太空七日七
夜諸天軌步日月運度威懸輝星宿瑤瓊
舍次停流碧山層嗽神海湛波天覆僂雲地
成瓊玉臺闕長樓龍攀鳳舞素芝絳木捧露
生香碧影金華普天共色衆真侍座元始天
尊玄坐空浮九色真龍之上說經一遍諸天
大聖同時稱善是時一國男女欣聽天尊宣
說蠲化水火災癘慈救三界无量大法說經
二過天搖玉毫彌覆龍觀說經三過明河瀉
光玄珠飄灑說經四過水騰火降變化自然
說經五過災癘不生劫數延遠說經六過陰
平陽泰氣無伏勝說經七過混元顯化靈範
流昌說經八過冲用陶虛神真昭感說經九